



Publicaziuns dalla vischnaunca, jamna 2

Invit alla seduta constitutiva dil cussegl da vischnaunca – Arranschament public

Venderdis, ils 11 da schaner 2013 allas 19.00 ha liugen halla Cons la seduta constitutiva dalla nova perioda d'uffeci 2013/2016. Ella vegn enramada da producziuns musicalas. Cun quella occasiun vegnan ils officials demissiononts undrai e las autoritads communalas saramentadas.

Tuttas convischinas e tuts convischins ein cordialmein envidai d'assister a quell'occurrenza festiva.

Tractandas:

1. Avertura entras il president communal
2. Undraziuns
3. Appel
4. Elecziuns:
 - 4.1 da dus dumbравuschs e dus suppleants per 2013/2016
 - 4.2 dil president dil cussegl da vischnaunca per 2013
 - 4.3 dil vicepresidente dil cussegl da vischnaunca per 2013
 - 4.4 digl actuar dil cussegl da vischnaunca per 2013/2016
 - 4.5 dil vicepresidente communal per 2013/2016
 - 4.6 dalla cumissiun da gestiun
 - 4.7 dalla cumissiun da baghegiar
 - 4.8 dalla delegaziun Corporaziun Spital regional Surselva e Spitex Cadi
 - 4.9 dalla delegaziun Fundaziun Casa da tgira Sursassiala
5. Agenda 2013
6. Communicaziuns

– Suprastonza communal: Repartiziun dils departaments per la perioda d'uffeci 2013/2016

Cordials salids
il president communal: Francestg Cajacob

Controlla dils barschaders d'ieli

Il controllader da barschaders d'ieli, Marcel Levy, vegn el proxim temps ad exequir las controllas per la perioda 2012/13. Nus fagein attents convischinas e convischins che quellas controllas ein tenor las ordinaziuns federalas e cantunalas obligatorias.

Controllau vegn: naven da Funs-Dado/Latis entochen Davos-Mustér/Raveras.
Nus supplichein da prender enconuschientscha da quest avis.

Administraziun communal

Controlla da habitonts

Mortori

Luisia Deragisch-Calvi, naschida ils 27-9-1924, morta ils 22-12-2012.

Naschientschas

Elina Milenka Febres Dermon, naschida ils 27 da settember 2012, feglia da Mijail Febres Soria e Manuela Dermon Febres Soria.
Laura e Corina Sac, naschidas ils 18 da december 2012, feglias da Roger ed Isabel Sac-Bearth.



Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: **clamei ils pumpiers mo sur il clom d'urgenza 118**. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina www.pumpiers-sursassiala.ch.

Engraziel per Vies sustegn! *Vos pumpiers Sursassiala*

Uniun da dunnas Mustér Tura cun calzers da neiv (gianellas)

Datum: Dumengia, ils 20 da schaner 2013
Datum da stuschar 17 da fevrer 2013
Menadra: Marta Durschei
Partenza: denter las 8.00 e las 9.00

Informaziuns detagliadas ed annunzias prendan bugen encunter tochen ils 18-1-2013:

Marta Durschei, tel. 081 947 48 08
e-mail: mdurschei@gmx.ch
Sigrid Loretz, tel. 081 947 40 29
e-mail sigrid_loretz@hotmail.com

Secziun da catschadurs Péz Alpetta Sera familiara

Sonda, ils 19 da schaner allas 19.00 el hotel «Sax».

Uniun da dunnas Mustér Mummas cun affons pigns Nus mein a magliar raclette

Gievgia, ils 24 da schaner 2013 allas 19.30 ell'ustria «La Furca». Annunzias pren Ada Lutz, tel. 081 947 61 31, bugen encunter entochen ils **21 da schaner 2013**.

Mummas e babs ein cordialmein envidai.
Mummas cun affons pigns Mustér

Uniun samaritana Mustér Radunonza generala

La radunonza generala statutarica ha liug:
Venderdis, ils 18 da schaner 2013
allas 19.30 el hotel «Alpsu».

Cordialmein envida *la suprastonza*



Biblioteca populara Mustér Kamishibai cun Mats, la miur

Eis ti denter 3 e 7 onns? Has ti gust da vegnir cun tia mumma ni cun in'otra persuna d'accumpnament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surprises en fuorma da Kamishibai e quei mintga gada **il secund venderdis dil meins dallas 14.30 tochen ca. las 15.30**. Nus selegrein zun fetg sin tei ...

Tgisà, forse anflein nus mintgaton aunc enzatgei auter che mo cudischs en nossa valischa da surprises! Cun ils pli cars salids e sin seveser tochen gleiti.

*Mats, la miur ed il team
dalla biblioteca populara Mustér*

Termins: 11 da schaner, 8 da fevrer, 8 da mars, 12 d'avrel, 10 da matg ed ils 14 da zercladur 2013

Fuffernadi da mupi per novizs dall'annada 2010

Haveis Vus mummas cun Vies affon dall'annada 2010 tschaffen da fuffernar in'ura da moviment, legria e cantar en emperneivla cumpignia? Lu envidel jeu Vus cordialmein ad in'ura da fuffernadi da mupi **gievgia, ils 17 da schaner 2013** dallas 9.30–10.30 el Center da sport, Mustér. Bugen prendel encunter las annunzias sut 081 936 43 86 ni 076 516 11 68.

Amicabels salids *la menadra: Riccarda Flury-Casanova*

Gruppa da teater Mustér

**Nus fagein puspei teater – premiera
sonda, ils 12 da schaner allas 20.00 en halla Cons.**

Per ulteriuras infos fagei per plascher atenziun a nies inserat publicau davostier.

La gruppa da teater selegra sin Vossa viseta.

Biblioteca populara Disentis/Mustér e contuorn

Mira sut Surselva, rubrica dallas bibliotecas.